

անհեռատես ու անտարբեր են եղել, որ մի-
միայն բերդեր, դղեակներ, պալատներ,
կամուրջներ եւ տաճարներ շինել են տուել
իրենց անհատական վայելքի համար, եր-
բք չեն խրախուսել գրողին, ճարտասանին,
որ երկրի ժողովրդի վիճակի նկարագիրն էլ
արձանագրէ: Հելլադայից Յոյն դերա-
սաններ բերել են տուել, նրանց ներկայա-
ցումով ոգեւորուել, բայց իրենց բանաս-
տեղծներին եւ գուսաններին չեն մտածել
վարձատրել: Փարպեցին Վահանի գործերն
է արձանագրում, երբ նրանցից պահանջում
են կազմել այդ պատմութիւնները. Եղիշէն
Մամիկոնեանի խնդրանքով Վարդանանց
Պատերազմի նկարագիրն է թողում. Սմբատ
Բագրատունու խնդրանքով Մով. Խորենա-
ցին Հայոց Պատմութիւնը հաւաքում, գրի
է անցնում, եւ Թ. Արծրունին Արծրունի-
ների տան ներբողականն է գրում եւ բոլորը
անչափ ժլատ: Այն գրական ոյժերը, որոնք
կարող էին հարիւր հատոր Եղիշէներ գրել,
կուտել երկրի անցեալի դանձարանը իրենց
գրուածներում, ինչպէս հազար տարւան ըն-
թացքում զարգացած Հայ լեզուն հաւա-
քեցին ու թողին Աստուածաշնչի մէջ. մի-մի
փոքրիկ խղճուկ հատորներով վերջացնում
են այն անսահման անցքերի պատմութիւնը,
որոնցից կարելի էր մի քանի Աստուածաշնչեր
կազմել:

Հարիւրաւոր մեծամեծ կալուածներ